

古孰不為孽炁所蝕欣然墮於華偽終身不知而天下後世反皆為道所述道本無以示人而人自迷之固有古聖賢神仙書在但欲語之以妙其理不肯身之以實其德無大功深行決不獲達真師以我之業帶未斷真心未與天地為一也非天地有所禁也非至人有所惜而不常遊斯世也且人以藐然之身弄一窟精神眩走夢中天地萬萬其心萬萬其欲萬萬其事萬萬其偽萬萬其說萬萬其業死欲牢鑄此夢為自己永永不壞之天以是縱萬萬萬度金石爛海嶽枯眾生顛倒雜亂尚未寤於迷途悲夫是故太上俯就眾生曲垂方便以祭鍊極幽冥之苦遂有其法傳於下土昔有葛仙公大闡太上之心後無大闡葛仙公之心者久而愈訛流為空雜誰其正之雖青天穹然在上無從扣問玄旨則我祭鍊書亦寐語也譯我之寐覺彼之寐其寐亦甚矣其癡亦甚矣此我之所以與眾生俱落命於夢海之波濤也尚舞空辭以自街耶噫誰其擊太空三下以寤之沈之我請為

序故序焉三外老夫鄭所南序

正一天師清微弟子 洪百堅 製作



太極祭鍊內法鄭所南編集卷上

凡我同志欲發道心濟度幽冥當先狀奏

太一天尊申

太極左仙公沖應孚佑真君發大誓願始

終如一年三元正月十五日 上元七月十五日 中元十月十五日 下元

五臘正月初一日 天臘五月五日 地臘七月七日 道臘十月朔一日 民臘十二月

謂之八解脫日八節立春 分主夏夏至立 秋分立冬冬至

庚申甲子一年之間共

二十八會祭鍊幽冥所不可缺但欲實濟

鬼神不可虛加文飾須常行內鍊法內養

精神外守戒行一過行持自然感應祭鍊

先一日發城隍牒當日不絕念密誦太一

聖號靈書中篇恭書寶籙并丹陽符至夜

深則於寂靜之處嚴設清香淨飯竹枝淨

水又沐浴水盂焚丹陽符投沐浴池又別

焚寶籙外方默坐良久行持如當日有急

幹則焚香默禱移前展後庶不誤鬼神指

望也夜夜行 之尤妙

內鍊法

入室端坐澄心靜慮息調息定寂然良久

此

方存我下丹田真炁如火如大紅玉丸左
右九轉甚是分明良久自覺玉池水滿即
腎水上升之外候也其真火一丸始升上
絳宮心府號曰南昌上官亦號曰朱陵火
府流火之庭即發炎炎流金之火存想已
身盡為火所焚良久鍊形如嬰兒狀端坐
絳宮中已身復完如故嬰兒漸登十二層
樓上金闕玉房之中乃頂門泥丸宮嬰兒
即化成天尊聖像端坐宮中左手執碧玉
盃右手執空青枝號曰

○ 太一救苦天尊極要分明
心曰絳宮口曰
寸曰泥丸兩腎中間
曰丹田詳見後說

書生天寶蘇行持式
本法南斗六星
並不用亦不
塗呪款作用
若法見于後

凡書寶籙當早於靜室齋戒默坐行內鍊
法訖想

太一救苦天尊在泥丸宮中端坐祥光晃
耀即長跪密奏曰臣今書寶籙普度幽冥
死魂受鍊立便生天臣奉
太一救苦天尊勅行 一一分明存想畢

即書寶籙

○ 唵
一併古字中指五
大筆左塗三轉
二併左手中指下
三併左手中指下
一併左手中指下
一併左手中指下

寶籙聚形

朱書

右法默念唵吽吒咧四字依次第書唵字

上書吽字上書吒字上書咧每書一
字拍一訣塗三轉每一轉默念唵吽吒咧
一遍係四訣共十二轉念唵十二遍成籙
即手停朱筆於籙上閉目存想真火一丸
在自已下丹田分明良久覺口中水生其

真火一丸升上絳宮化為朱陵火府火光
逆耀中有火鈴炬赫如日急呵於符上乃
別午訣就用朱筆拂出即存寶籙化成火
鈴上透泥丸愈高愈遠香香直上而去次
念道君呪曰

太上道君勅付崑崙神符一下拔度幽魂急
急如律令

○

○

太上勅救生天寶籙告下拔



度五道四生男女孤魂等眾
增品受生超昇仙界一如
告命風火驛傳

太歲年月 日吉時
具位 臣 姓 某 承諾奉行

祭鍊行持牒式
祭鍊前一日發牒
更不必別用兼中
本壇於今月 日就某處奉行

太極祭鍊法拔度五道四生孤魂滯魄等
眾所合關告
貴司傳奏攝召一切幽魂咸赴壇所受度
須至公文者

牒請

照詳備去事理疾速傳誠迺轉奏
太一慈尊請降

勅命頒下十方三界下窮地獄幽局一切去
處咸令照應即與開赦一切幽魂於當日夜
後來赴壇所享食聽法受鍊更生執籙超升
上生
天界毋得稽遲有妨關度

太歲年月 日吉時牒
太上某蘇弟子奉行太極祭鍊事姓某押

如木受蘇者即備奉道弟子

入靖坐鍊式 以下並符生

祭鍊當日先書丹陽符書寶籙當夜於飯

斛前清香一炷竹枝淨水一盃又別置水

一盃為沐浴池乃焚丹陽符投於沐浴池

中又先焚寶籙於爐中諸事全備方纔打

坐非行持畢不可再動身也至夜深於孤

靜之處無一人往來之地打坐良久行內

鍊法後仍想太一救苦天尊坐我泥丸宮

中兆即長跪密呪乞放無邊光明下破地

獄遂見太一天尊放無邊光明從泥丸宮

向北下夾脊十八顧乃雙睛之下總名曰

鄮都獄燦爛閃爍洞煥三界朗照諸苦獄

獄俱空一切罪囚悉皆出離 傾音

召魂
如前具法位姓名發至誠心奉太上命廣
遍攝召往古來今無盡十方一切五道神
道人道畜生道餓鬼道地獄道盡虛空界

積夜寒鄉沉魂滯魄等眾承茲道力來赴
靈壇祇領善功克獲超度

如欲法界廣大周遍普及一切幽靈當
默念普請文攝法位臣姓名一心奉請
云云以簡易者乃佳
上法普請文見于後

存想十方無邊無數一切鬼魂盡從鬼門

上來隨身所坐處左肩背後即是東北方

鬼門也次想丹陽符水池化成無邊汪洋

大水普召一切幽魂各得五行生炁同時

完形同時沐浴默念
丹陽太呪

龍漢蕩蕩無形無名渺渺億劫皇道開清

明澄朗耀九龍吐精玉虛澄輝太霞高明

元始開化諸天齊靈三元尊養二象攝生

未度者度未成者成已死者化已枯者榮

蠢動萌息一切冥靈懷胎含孕咸得受生

陰魂命過魂升三清魄受鍊度南宮變形

今日大慶皆得光明五帝鑒映普告萬靈

天神地祇及以河源五嶽四瀆并諸名山
洞玄洞淵洞靈洞仙無極大道至真大神
無窮無極普監度生地根斷絕玄都記名

眾神普照一切咸聽
右默呪畢存見眾魂完形出浴凡是人類

男左女右皆着仙衣凡是禽獸悉皆潔淨

各以類分即想兆泥丸宮中太一天尊左

手執碧玉盃右手執空青枝密默懇奏乞

降甘露漿入此清淨水默呪曰

太一天尊降甘露 七遍

遂見太一天尊在空玄中聖像極大了了

分明右手灑甘露下注水盃中淨水變成

甘露即於靜定中兆以甘露水灑法食上

即想法食頓然香潤甘美默念靈書中篇

三遍變食廣大無邊充滿十方見眾魂盡

在無邊白淨世界中皆得餐享斛食又遍

賜神水普及一切幽魂盡飲甘露悉得飽

滿少待片時容其恣情飲食伺畢

水鍊作用 不念呪不用符不掛訣

先想兩腎中間有一點極明須臾如大月
輪注視良久水火交媾玉池水生其月輪
竟升頂上如十五夜半月色光明其月正
在東井八星之間始作用黃華水當存月

正在東井八星間自然夾春水如天河升
貫頂中東井之間其月光照耀於頂中天
河之源激成黃色水華之水漸漸漫潤上
脣須臾覺真水自頂中流於舌上而下滿
口甘潤香美是自己黃華真水也即見滿
前化成汗漫黃色水華之水其水自然無
邊無際一切幽魂皆在其中鍊育精髓膏
潤顏色良久出鍊幽魂形貌精采表裏瑩
潔至受鍊畢其水自然不見

東井星象



火鍊作用不念呪不用符不抽訣

存想兩腎中間一點真炁須臾如大紅日
輪注視良久水火交媾玉池水升其日輪
竟升於絳宮發燦爛流金之火即見飛鍊
化成大火通空炎炎一切幽魂皆喜悅入
火治鍊一一火光速身至受鍊畢回日向
下內觀其火自然不見至此竟忘其
類之形一一衆魂皆化為嬰兒身有
皆着仙衣羅列左右聽受三皈九戒
第一歸依

太上元極大道

第二歸依

第三十六部尊經

第三歸依


一切聖真仙師

汝等既已歸依三寶再當受持九真妙戒
一者敬讓孝養父母
二者克勤忠於君主
三者不殺慈救眾生
四者不淫正身處物
五者不盜推義損己
六者不嗔克忿凌人
七者不詐不欺害善
八者不驕傲忽至真
九者不二奉戒專一
一一歡喜受戒畢次默宣寶籙仍想寶籙
化為無數無數寶籙一一幽魂一一給付
一遣一一執此上生天界
今汝等歸依三寶受持九戒已竟各各執此
太上寶籙立便生天永奉道法毋忘戒言

遂存想心中火鈴飛出短赫如日上過泥
凡透出頂門愈高愈遠一一衆魂盡如嬰
兒皆乘蓮花仰隨火鈴光上昇香杳然去
後乃回目向下內觀則玉池水升萬化寂
然鍊畢須當回目向下內觀則玉池水升
升造化歸源良久徐徐出定不然恐有
心火上炎之患也

五行相生真炁

但依次第拍五訣吹五臟炁於丹陽符上
併具五臟五行相生之理于後



丹陽符作用黃炁陽精內事

符陽丹
黃書

夫主妻妾男女眷屬新亡久化伏連塚訟
一切疾痛死亡魂魄如是人道无量无边
咸得解脱來受祭鍊我今召請盡虛空界
一切无量畜生等眾鳳鶴燕鳴鶯鶯鴉雀
虎羊牛馬鹿豕猫犬龍魚蝦蟹龜蛇螺蚌

蛇蟻螞蟻蜂蝶螢蟬一切禽獸蟲魚水族
蠢動含靈微細精爽如是畜生无量无边
咸得解脱來受祭鍊我今召請盡虛空界
一切无量餓鬼等眾飢餓枯渴魑魅魍魎
推朝推沙一切鬼役如是餓鬼无量无边

咸得解脱來受祭鍊我今召請盡虛空界
一切无量地獄等眾茫茫重重北都羅酆
極深至苦九幽天獄硤石血湖三十六獄
二十四所鬼帥大獄阿鼻鐵圍青城山獄
泰山嶽府二十四獄五嶽諸獄太一牢山
諸山諸獄一切地獄諸處城隍諸司囚禁
一切大小輕重罪囚諸獄鬼吏鬼卒鬼獸
如是等類无量无边咸得解脱來受祭鍊
如是奉請十方萬神願垂慈光普照一切
无量五道未解脱者盡得解脱普受祭鍊

一一衆生夙命不同今隨其業各現淨食
雖示世物純是甘露皆生淨味各令飽滿
法施平等无間陰陽一切鬼神普同供養
靈書中篇

東方八天
靈書阿耨无怨觀音須延明首法攬善曇
豫那阿奕忽訶流吟華都曲麗鮮菩育臻
答落大梵散煙慶雲飛麗玉都明魔上門
无行上首廻蹠流玄阿陀龍羅四象吁員
南方八天

南閻洞泮玉眸詵詵梵形落空九靈推前
澤洛善臺綠羅大千眇莽九醜韶諶綠蓮
雲上九都飛生自審那育郁馥摩羅法輪
靈持无鏡攬寶運容觀朗廓爽神變自宮
西方八天

刀利禪猷婆泥咎通宛藪滌色太眇之堂
流羅梵萌景蔚蕭嶠易遊无寂宛首少都
阿繼郁竺華莫延由九開自辯阿那品首
无量扶蓋浮羅合神玉誕長桑栢空度仙
北方八天

搜无自有九日導乾坤母東覆形攝上玄
陀羅育邈眇丞合雲飛天大醜總監上天
沙陀劫量龍漢瑛鮮碧落淨黎空歌保珍
惡奕无品洞妙自其元梵恢漠幽寂度人
太極祭鍊内法卷上